

UNIVERZITET U SARAJEVU - FILOZOFSKI FAKULTET

Na osnovu članova 106. Zakona o visokom obrazovanju ("Službene novine Kantona Sarajevo" broj: 36/22), članova 144, 148. i 173. tačke (1) i (4) Statuta Univerziteta u Sarajevu broj: 01-14-35/23 od 26. 07. 2023. godine, članova od 16. do 20. Pravila studiranja za treći ciklus studija na Univerzitetu u Sarajevu – doktorski studij broj: 01-04-9-1/24 od 28. 2. 2024. godine, Odluke Senata Univerziteta o saglasnosti za otvaranje trećeg ciklusa studija iz sociologije broj: 01-38-2315/10 od 22. 9. 2010. godine, Prijedloga Vijeća dokorskog studija od 19. 3. 2024. godine, Prijedloga odluke Vijeća Fakulteta broj: 03-09/202 od 25. 4. 2024. godine, Odluke Senata Univerziteta o saglasnosti na raspisivanje konkursa za upis studenata trećeg ciklusa studija - doktorski studij koji se organizuje iz matične oblasti sociologija, pod naslovom Savremena sociologija i globalizacijski procesi u studijskoj 2024/2025. godini broj: 01-9-88/24 od 29. 5. 2024. godine, Univerzitet u Sarajevu - Filozofski fakultet *objavljuje*

KONKURS

Za upis studenata u TREĆI CIKLUS STUDIJA – DOKTORSKI STUDIJ POD NASLOVOM *SAVREMENA SOCIOLOGIJA I GLOBALIZACIJSKI PROCESI*, na Univerzitetu u Sarajevu - Filozofskom fakultetu, u studijskoj 2024/2025. godini (oktobarski rok)

I

Konkurs se raspisuje za upis studenata u treći ciklus studija – doktorski studij koji se organizuje iz matične oblasti sociologija, pod naslovom Savremena sociologija i globalizacijski procesi.

Studij se organizuje u trajanju od tri godine, a njegovim završetkom stiče se naučno zvanje „DOKTOR/DOKTORICA SOCIOLOŠKIH NAUKA/ZNANOSTI“.

II

Pravo pristupa doktorskom studiju i podnošenje prijave imaju slijedeći kandidati:

1. Kandidati koji su stekli diplomu drugog ciklusa studija i akademsku titulu magistra iz oblasti društvenih nauka stečenu na Filozofskom fakultetu Univerziteta u Sarajevu s prosjekom ocjena prethodnog ciklusa studija minimalno 8,00 (3,5).
2. Kandidati koji su stekli diplomu drugog ciklusa i akademsku titulu magistra ili ekvivalenta na drugoj visokoškolskoj ustanovi u zemlji i inostranstvu s prosjekom ocjena prethodnog ciklusa studija minimalno 8,00 (3,5).
3. Kandidati koji su stekli naučni stepen magistra po ranijem Zakonu o visokom obrazovanju, kojima se priznaje 60 ECTS bodova s prosjekom ocjena prethodnog ciklusa studija minimalno 8,00 (3,5).

4. Kandidati strani državljani prijavljuju se na konkurs pod istim uslovima kao i državljani Bosne i Hercegovine uz uslov da dostave rješenje o nostrifikaciji.

III

Uz prijavu na konkurs, kandidati su obavezni dostaviti:

1. Diplomu o završenom prethodnom obrazovanju/ Diploma sa Dodatkom diplome (original ili ovjerenu fotokopiju);
2. Uvjerenje o položenim ispitima iz prethodnog studija i pojedinačnim predmetima (original ili ovjerena fotokopija)
3. Rješenje o akademskom priznavanju inostranih visokoškolskih kvalifikacija koja je stečena u inostranstvu ili diplome stečene u nekoj od država bivše Jugoslavije nakon 6. 4. 1992. godine (original ili ovjerenu fotokopiju);
4. Izvod iz matične knjige rođenih (original ili ovjerenu fotokopiju);
5. Uvjerenje o državljanstvu (original ili ovjerenu fotokopiju);
6. Biografiju
7. Uvjerenje o poznavanju stranog jezika (original ili ovjerenu fotokopiju)

IV

Visina školarine iznosi 4. 000, 00 KM po godini studija.

VI

Konkurs ostaje otvoren 15 dana od dana objavljivanja.

Prijave dostaviti putem pošte u zatvorenoj koverti na adresu: Univerzitet u Sarajevu - Filozofski fakultet, ulica Franje Račkog br. 1, 71 000 Sarajevo, sa naznakom „Prijava za upis na doktorski studij iz sociologije“

Obrazac prijave može se preuzeti sa WEB adrese Fakulteta www.ff.unsa.ba.